

# Phan Ang Cu Nghiet Tag Yaox Krax Sivix

Troubles come from disobedience



Wa, Parauk



Phan Ang Cu Nghiet  
Tag Yaox Krax Sivix

Troulbes come from disobedience

Cao tiem lih : Dau Gyung Laohang

Cao Pawd Riieng : Khao Dau Lamyang

Lox Lai Shiao : Lai Vax

Teei Khaing : lai been Lhaovo

Cao Toe Lih : Samlao Pao

Bawg Plih Lih : Bawg (1)

Khix Num : 9 /2021

Author : Dau Gyung Laohang

Illustrator : Khao Dau Lamyang

Original Language : Lhaovo

Translated Language : Wa

Translator : Samlao Pao


Edition : First Print

Date : Sep /2021

Wa, Parauk  
Myanmar

Copyright © 2021, Literature Department Of WBC, SIL

For permission to reuse, contact the copyright holder.




Didix koe rawm dung daux tiag tix mu heue. Kadaux dung an reeh tix mu ot ti tan heue. Yeem khaox kawx koe plak seh toi dung tan heue. Daux yeem an kiang tix mu kawx yuh ti ot nyiex heue.



Tix ngaix reeh haok lawng krax  
piang gawng mai nawh yaox pui lee tiag  
tix kaux heue. Reeh kied lhat mai nawh  
ang lai tawng pa yuh heue.




Yam an kiang pa ot daux yeem lih  
plak praix heue. Reeh yaox lih kiang  
"Paox grawm eue teem ka aux liak" ah  
nan ka kiang heue.




Kheu lox reeh kiang hoek mai nyhot  
reeh mox daux yeem heue. Reeh kied  
ting buanson ka teem kiang ka nawh  
heue.







Kiang ah ka reeh "Khaw ax ti yuh  
mawh paox grawm tau." Reeh deeh ah  
"Mhawm heue jah yam in ax hoik mawh  
paox grawm" nan ka kiang heue.




Yam lawng kiex krax kiang nie phai  
khaing reeh heue. Mawh kheu nan son  
sang situ hu kiex krax kiex vien caong tix  
tix khawn ka maox heue.



Yam lawng kiex krax kiex sipub ka  
kiang riex ju daux krax heue. Kiang riex  
ju "Paw lawng krax khawm vien pax  
caong tix ka maox" ah nan ka kiex heue.  
Kiex ang nghiiet lox mai kiex hu krax hu  
tix heue.



Tix ngaix kiang brug kapiang reeh  
mai kiex lih sawg priex ih heue. Yam an  
kiex ra kied gaux rhawm ot tau heue.




Yam gaux rhawm kiex maox vien ka  
caong kiex vheuk ka simaox ting tix mu  
heue. Kiex ah nin ka paox "Paox grawm  
rud heue rud heue." Yam an bawg yam  
hoik luan uik ka rud kiex maox heue.



Kiex kied sidaing taug mao ka rud  
maox. Yam an pui leei tiag hoek ka kiex  
mai greu kiex ing ka nyiex nawh heue.  
Kiang mai reeh kiex yaox ing ka nyiex pui  
leei tiag heue.




Mawh kheu sidaing nhim hu kiex krax  
pui leei tiag siviet kiex ka khaox mai greu  
kiex ing ka nyiex tix heue. Kiang mai reeh  
kiex yiiem jao siviet pui an mai ing ka  
nyiex nawh heue.




Yam hoek kiex ka nyiex pui leei tiag,  
kiex mhong ka lox ah mex moeng niyet ti  
plaux ih kiex heue. Kiex kied lhat graung  
mai khlaix yiiem tan heue.







Bo ngaix an yam hoek greung sawm  
kiang mai reeh kiex koi lih khaing nyiex  
heue. Yam an kiex sidaing gaux rhawm  
khawm luan ti heue.



Kiang mai reeh kiex ang doh rhawm  
ang cu kah ka maox vien heue. Kiex hu  
awm hu kiex bawg luan heue. Yam hu  
kiex, kiex hoek ka dung nie kax heue.



Kheu simie reeh ti ih kax nawh  
piawm ka maox vien ka caong tix heue.  
Yam an son sang yaox ti ih kax reeh keud  
tix niiet laig daux rawm heue.



Mawh kheu nan reeh laig kadaux  
rawm mai sawg ih kax heue. Yam an  
kiang pa vien ka maox hawt rau kadaux  
rawm mai yaox ti yum daux rawm dung  
heue.





